

傷寒論三註



傷寒論三註卷之七

少陰經大意

方中行先生少陰大旨云。三陰先太陰者。太陰正位。中官。統倉廩也。少陰居下。而先於厥陰者。陰道也。自下而上也。

周揚俊曰。少陰原屬經證。而經已在裡。與太陽相表裡。故三陰必重。少陰也。且人之腎氣多虛。又與陰維相附。其受病最易。要不外傳經中經兩途。救陰回陽二法。傳經者。熱邪入內。懼其劫陰。中經者。陰寒內凝。



恐爲格陽學者於聖人經文條例能細心體認治必
合法若以曾犯房勞者便欲用溫殺人多矣何也房
勞者未常不病陽證頭痛發熱者是也但謂之夾陰
不輕用涼藥耳故病發於陽病發於陰聖人立言昭
然日星何至往往自悞悞人耶今以傳經熱證爲首
篇中經寒證爲中篇悞治壞證爲下篇不令眩讀者
之意云

傷寒論三註卷之七

廣寧丁思孔景行父定 吳門周揚俊禹載輯

少陰上篇

少陰經起於小趾之下。從足入腹循喉嚨。其支者從肺出絡心注胸中。尺寸俱沉者。少陰受病也。當五六日發。以其脉貫腎絡於肺。繫舌本。故口燥舌乾而渴。少陰之爲病。脉微細。但欲寐也。

[方註]少陰、腎經也。脉微細者。少陰居於極下。其脉起於小趾之下也。靈樞曰。是主所生病者。嗜臥但欲寐。

嗜臥也。蓋人肖天地。天地之氣行於陽則闢而曉。行於陰則闔而夜。故人之氣行於陽則動而寤。行於陰則靜而寐。然則病人但欲寐者。邪客於陰故也。揚俊愚按。少陰脉有沉有數有緊而必統以微細者。其理不可不知也。取脉大法不外浮中沉三候。故言微則於輕取。見之是正氣衰。而陽虛。言細則於重取。見之是邪氣併而陰盛。言上言下而中可以意會矣。然則下文或言沉是卽微之至。必重按而始得。或言緊是卽細之至。且有力而易見。或言數亦必與沉兼。

見初不似三陽經脉浮大而數者比故仲景舉微細爲綱其間妙義未可言盡也

又按經謂晝行於陽則寤夜行於陰則寐古人以邪至少陰則并其正於陰故欲寐然則何太厥二陰不寐獨少陰云爾耶又素問云陽氣盡則寐陰氣盡則寤是亦尋常寤寐之理與上相對互發而非并其正於陰之說也夫人之精與神皆藏於腎胡精固而後神清神清而後氣爽設少陰經氣已虛而邪復彌漫欲不昏昏如夢不可得矣曰欲寐非能寐也

少陰病。脉細浮數。病爲在裡。不可發汗。

愚按病在少陰。已入裡矣。今云在裡。何耶。此對人府而言。邪在陰經者。亦每轉歸陽明府。蓋沉細少陰本脉也。而數則入胃矣。入胃者可汗乎。況陰經無汗法。如此則麻黃附子不可用。溫經亦不可用也。當於四逆散求之。

少陰病。咽中痛。半夏散及湯主之。

愚按陰精大虧。未有不陰火上乘者。況益以外來熱邪。循次入經。銷燬腎水耶。少陰之脉循喉嚨。正其徵。

也。夫陰火上逆，勢必挾痰攻咽。邪雖內薄，病已上結。故用半夏為君，不復以性燥介意。兼與桂枝散邪，用艸緩急，使在下之火不復上升，上聚之飲頃刻消散。豈不一了百當耶。

半夏散及湯

半夏

洗去涎水

桂枝

甘艸

炙各等分

右三味各別搗篩，已合治之。白飲和服，方寸匕，日三服。若不能散服者，以水一升煎，七沸內散，兩方寸匕，更煎三沸，下火，令小冷，少少嚥之。



方論此以風邪熱甚痰上壅而痺痛者言也故主之以桂枝祛風也佐之以半夏消痰也和之以甘草除熱也三物者是又爲咽痛之一治也

少陰病咽中傷生瘡不能語言聲不出者苦酒湯主之

方註咽傷而生瘡則此痛爲差重可知也不能語言者少陰之脉復入肺絡心心通竅於舌心熱則舌不掉也聲不出者肺主聲而屬金金清則鳴熱則昏而塞也半夏主咽而開痰結苦酒消腫而斂咽痰鷄子甘寒而除伏熱連下三條證同而治殊蓋各適其因

之宜然爾。

苦酒湯

半夏

洗破如棗核大
十四枚

鷄子

一枚去黃內上苦
酒著鷄子殼中

右二味內半夏著苦酒中以雞子殼置刀鐮中安火上令三沸去滓少少含嚥之不差更作三劑

愚論此即前病而更劇者陰火團聚至於生瘡不能

語言不能出聲則痰結極矣陰熱甚矣痰結稠粘而

燥結特熾故稠粘者既與膩隔不宜而燥結者復與

滋潤有益仍用半夏滌飲以鷄子清潤燥更藉苦酒



消瘡。合三善而陰熱可去。陰熱去而陽邪亦解。陽邪解而真陰得救矣。

少陰病。二三日。咽痛者。可與甘草湯。不差者。與桔梗湯。
方註。咽痛。邪熱客於少陰之咽喉也。甘艸甘平。而和陰陽。故能主除客熱。桔梗苦甘。而任舟楫。故能主治咽傷。所以微則與甘草。甚則與桔梗也。

甘草湯

甘草

二兩

右一味。以水三升。煮取一升半。去滓。溫服七合。日二



服。而。未。至。故。須。分。服。餘。論。未。入。邪。也。故。用。柴。胡。
愚。論。少。陰。之。脉。循。喉。嚨。邪。熱。客。之。能。無。痛。乎。正。挾。少。
陰。之。火。上。升。也。主。甘。艸。者。甘。能。除。火。熱。也。

桔梗湯

桔梗一兩

甘艸二兩

右二味以水三升煮取一升半去滓分溫再服

愚。論。設。服。前。湯。而。不。除。非。藥。之。不。勝。病。也。正。以。少。陰。
之。火。挾。邪。上。攻。則。并。其。母。亦。病。故。加。苦。桔。梗。開。之。而。
自。無。不。愈。矣。



北海林師云。甘艸湯主少陰客熱咽痛。故用緩。桔梗湯主少陰寒熱相搏。咽痛。故用開。且經謂此屬少陰。法當咽痛而復吐利。故咽痛每與下利相兼。今因陰邪上乘之時。卽以桔梗開之。不令其下乘。甘艸輔之。更不使其上僭。并可以實脾土。豈非治未病之法乎。少陰病。四逆。其人或咳。或悸。或小便不利。或腹中痛。或泄利下重者。四逆散主之。

同下加減爲一條

[方註]人之四肢。溫和爲順。故以不溫和爲逆。但不溫

和而未至於厥冷。則熱猶爲未入深也。故用柴胡解

之也。枳實泄之也。然熱邪也。邪欲解本陰也。陰欲收芍藥收之也。甘艸和之也。分今之二錢五分也。

四逆散

甘草

炙

枳實

破水漬
炙乾

柴胡

芍藥

右四味各十分。搗篩白飲和服。方寸匕。日三服。

愚論少陰至於四逆。熱深而厥亦深矣。熱邪內入欲

其散。非苦寒如柴胡不足以升散也。欲其泄。非苦降

如枳實不足以下泄也。且陽邪入則必至於劫陰。故

陰欲其收。非酸寒如白芍藥不足以收之也。合甘草



南京中医药大学图书馆版权所有

以和中。仍是二味祛邪。二味輔正。無偏多偏少。於其間者。邪正各爲治也。若兼見以上證。則有以下加法。又未有不得當者。

四逆散加減法

欬者。加五味子。乾薑各五分。并主下利。

欬見前。并主下利。亦散水寒收泄氣之意。

悸者。加桂枝五分。

心主悸。桂枝通心氣也。

小便利者。加茯苓五分。

見前

腹中痛者加附子一枚炮令拆

腹中痛寒甚也附子溫之也

泄利下重者先以水五升煮薤白三升煮取三升

以散三方寸七內湯中煮取一升半分溫再服

下重氣滯也薤白疏泄也

愚按陽邪陷入則大腸氣滯故調氣則後重自除加

薤白者以其能通手陽明經氣也

少陰病下痢便膿血者桃花湯主之

少陰病下痢便膿血者可刺



愚按三條俱便膿血。而此用刺法者何。夫刺所以通經氣也。桃花湯所以固脫也。乃一法通因。澀用通因。通用者。固病情有虛實之分。亦治病有新久之法。別歟。不可不加審也。

少陰病二三日。至四五日。腹痛。小便不利。下利不止。便膿血者。桃花湯主之。

方註腹痛。寒傷胃也。小便不利。下利不止者。胃傷而

土不能制水也。便膿血者。下焦滑脫也。石脂之澁。固

腸虛之滑脫。乾薑之辛。散胃虛之裏寒。粳米甘平和

